

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 13. stav 2. Zakona o javno-privatnom partnerstvu („Službene novine Zeničko-dobojskog kantona“ broj: 6/16) na prijedlog Ministarstva zdravstva, Vlada Zeničko-dobojskog kantona na 175. sjednici održanoj dana 11.01.2019. godine, d o n o s i

ODLUKU

o imenovanju Radnog tijela za pripremu projekta javno-privatnog partnerstva “Hemodijaliza” u JU Kantonalna bolnica Zenica

Član 1. (Predmet)

Imenuje se Radno tijelo za pripremu projekta javno-privatnog partnerstva „Hemodijaliza“ u JU Kantonalna bolnica Zenica.

Član 2. (Članovi Radnog tijela)

U Radno tijelo imenuju se:

- 1) doc.dr.med.sci. prim Rasim Skomorac,
- 2) dr. Kasim Spahić,
- 3) Aida Pojskić, dipl. pravica,
- 4) Muamer Avdić, dipl. oec,
- 5) prim. dr. Lejla Hantalašević-Bečić,
- 6) Nesib Huseinspahić, dipl. ing,
- 7) dr. Dragoljub Brenjo,

Radnim tijelom će koordinirati doc.dr.med.sci.prim Rasim Skomorac, direktor JU Kantonalna bolnica Zenica.

Član 3. (Nadležnost Radnog tijela)

Radno tijelo iz člana 2. ove Odluke ima obavezu da:

- donese poslovnik o radu radnog tijela,
- izradi dinamički plan za pripremu prijedloga projekta javno- privatnog partnerstva,
- izvrši dopunu i izradu finalnog kratkog opisa projekta javno- privatnog partnerstva,
- izradi tendersku dokumentaciju za idejno rješenje, odnosno idejni projekat,
- izradi tendersku dokumentaciju za izradu studije opravdanosti,
- izradi tendersku dokumentaciju za odabir privatnog partnera,
- pripremi nacrt ugovora o javno-privatnom partnerstvu.

Član 4. (Izbor kvalifikovanog konsultanta)

(1) Za realizaciju obaveza utvrđenih u članu 3. ove Odluke, JU Kantonalna bolnica Zenica (javni partner) može koristiti usluge kvalifikovanog konsultanta za podršku cjelokupnog procesa javno-privatnog partnerstva (procesni JPP konultant) i/ili konsultanta pravne, ekonomske ili tehničke struke za bilo koju fazu projekta javno-privatnog partnerstva.

(2) Izbor kvalifikovanog konsultanta (fizičko ili pravno lice) vrši se u skladu sa Zakonom o javnim nabavkama („Službeni glasnik Bosne i Hercegovine“, broj: 39/14).

Član 5. (Rok za realizaciju)

Krajnji rok za realizaciju obaveza utvrđenih u članu 3. ove Odluke je šest mjeseci od dana donošenja ove Odluke.

Član 6.
(Naknada članovima Radnog tijela)

Radnom tijelu pripada naknada o čemu posebnu odluku donosi JU Kantonalna bolnica Zenica (javni partner), u skladu sa važećim propisima i raspoloživim sredstvima.

Član 7.
(Projektni zadatak)

Sastavni dio ove Odluke je Projektni zadatak kojim se definišu obaveze i zadaci Radnog tijela.

Član 8.
(Stupanje na snagu i objava)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-37-800/19.

Datum, 11.01.2019. godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Imenovani, putem ministarstva,
1x JU Kantonalna bolnica Zenica, putem ministarstva,
1x Ministarstvo za privredu,
1x „Službene novine Zeničko-dobojskog kantona“,
1x a/a.

JU KANTONALNA BOLNICA ZENICA

PROJEKTNI ZADATAK

za projekat javno-privatnog partnerstva „Hemodijaliza“

I– Minimalne obaveze i zadaci Radnog tijela

1) Radno tijelo je nadležno za slijedeće aktivnosti:

- a) izrada dinamičkog plana za pripremu prijedloga JPP
- b) dopuna i izrada finalnog kratkog opisa projekta JPP
- c) izrada tenderske dokumentacije za idejno rješenje, odnosno idejni projekat
- d) izrada tenderske dokumentacije za izradu studije opravdanosti
- e) izrada tenderske dokumentacije za odabir privatnog partnera
- f) priprema nacrtu ugovora o JPP.

2) Članovi Radnog tijela imaju pravo i obavezu da:

- a) redovno prisustvuju svakoj sjednici Radnog tijela, a eventualni izostanak blagovremeno najave i opravdaju,
- b) aktivno učestvuju u radu Radnog tijela, slobodno iznose vlastito mišljenje, daju prijedloge i sugestije i glasaju pri donošenju odluka,
- c) izvršavaju i druge dužnosti utvrđene od strane Radnog tijela.

3) Radno tijelo punovažno radi ako je prisutno dvije trećine članova Radnog tijela.

II – Donošenje Poslovnika o radu Radnog tijela

Poslovnik o radu bit će izrađen u skladu sa Projektnim zadatkom i Odlukom Vlade Ze-do kantona o imenovanju Radnog tijela.

Vremenski period: do sredine januara 2019.godine

III -- Izrada dinamičkog plana rada

Dinamički plan rada će se izraditi u skladu sa članom 14. Zakona o JPP ZE-do kantona i članom 12. Uredbe o identifikaciji, pripremi, ugovaranju i praćenju implementacije projekta javno-privatnog partnerstva.

Vremenski period: do sredine januara 2019.godine.

IV– Dopuna i izrada finalnog kratkog opisa projekta

Finalni kratki opis projekta će se izraditi u skladu sa članom 15. Zakona o JPP ZE-do kantona.

Vremenski period: do kraja januara 2019.godine

V- Izrada tenderske dokumentacije za idejno rješenje i /ili idejni projekat

Tenderska dokumentacija za idejno rješenje i /ili idejni projekat će se izraditi u skladu sa članom 16. Zakona o JPP Ze-do kantona .

Vremenski period : do kraja februara 2019.godine

VI- Izrada tenderske dokumentacije za izradu studije opravdanosti

Tendersku dokumentaciju za izradu studije opravdanosti će izraditi javni partner u skladu sa članom 17. Zakona o JPP Ze-do kantona .

Vremenski period : do kraja februara 2019.godine

VII – Izrada tenderske dokumentacije za odabir privatnog partnera

Tendersku dokumentaciju za odabir privatnog partnera će izraditi Javni partner u skladu sa članom 19. Zakona o JPP ZE-do kantona.

Vremenski period: do kraja aprila 2019.godine

VIII – Priprema nacrtu ugovora o JPP

Nacrt ugovora će izraditi radno tijelo, u skladu sa članom 21. Zakona o JPP Ze-do kantona.

Vremenski period: do kraja maja 2019.godine